



de mülliaon

in deine aogn, do is a leichtn - i gspür, do is wos drinn fia mii
braochst es jo ned dem pfoffm beichtn - kumm, setzt de zuwe, wisawii
eazöö, wos d wüasd, i bin in himme - hear i dei stimm, bin ii in traam
wiar in a kutschn mid seggs schimme - fier i dii mid mein moped haam

*i gspia des glick vua meina tia - a neiches lebm liegt vua mia
wos kaon des wean, des frog i ned
i kenntad lochn gaonzn tog - do is a mensch, des wos mi mog -
bevua ii'sgneiss, is's längst zu späd*

do woar a gaonza schiwl gfraasda - und ii woa blind oes wiara haohn
hob oeweu brennt oes wiara maasta - boed woari stia, daon san s davaon
es wiad scho grao, i steig in d hapfn - du hosd de laong scho um mi gsuagt
di aogn varead, und aohne schlafn - ka gööd, und kaana, dea wos buagt

*du redst ka weatl mea mid mia - mei schef, dea setzt mi vua di tia
wos soi des wean, des frog i mii
da exekutor wo scho do - wohin pickt ea den kuckuk no
es draht se oes um di marie*

In neichn joa wiad olles bessa - i faong midn bestn vuasotz aon
i gib mein schweinehund an stessa, - das ea si ned davaongan kaon
I reiss de nexte hockn nieda - i wea tschinogln wiar a noa
wiasd segn, daon bliad fier uns da flieda - fia unsa haos, in nextn joa

*daon steed des glick vua unsra tia - des gheat daon diar a so wia mia
es wiad scho wean, des muasst ma glaobm
wiasd nua mea lochn, neamma rean - des paradies wiad unsa ghean
mit honig, müüch und brodne taobm*

heid loss mar olle offn tanzn - bis in da frua gibts kan pardaoon
heid, oede, braucht uns kaana pflanzn - weil heid ghead s uns, de mülliaon
a hoewes lebm howi mi gschundn - und olle wochn lotto gspüüd
hob ma ka gscheide hockn gfundn - und hob me wiar in hefn gfüüd

*jetzt is des glick vua meina tia - a neicha obschnitt liegt vua mia
jetzt zagt des lebm ois, wos s kaon
vuabei de nudldruckerei - bring wos zum tschechan, owa glei
und schenk uns ein, daon stess mar aon*



de mülleaon

*bist af amoē so kaasig wuan - host goar am end den schein valuan - - - si woa scho zua, die lotterie ! - - -
mia gfriad es lochn, meina sööl - stessd mi von himme in de höll - - - jetzt howi di - und du host mi.*

*is unsa schiggsoe, oeweū stia. - moch da nix draus, i steh zu dia,
- i hob jo di - und du host mi!*

Diskutieren Sie [hier](#) online mit!